



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 633. Usque Ad Annum 726

Fleury, Claude

August. Vind. [u.a.], 1760

VD18 90117840

§. 1. Mahometis initia.

[urn:nbn:de:hbz:466:1-66082](https://nbn-resolving.org/urn:nbn:de:hbz:466:1-66082)

S. CORBINIANUS ECCLESIAE FRISINGENSIS FUNDATOR.



HISTORIA
ECCLESIASTICA.
LIBER XXXVIII.

~~~~~

HONORIUS I. PAPA.  
HERACLIUS IMPERATOR. ARIO-  
VALDUS REX.

§. I.

*Mahometis initia.*



Interea in Oriente Arabes Mu- Sæculum VII  
fulmanni, Sectatores Maho- A.C. 633.  
metis, grassabantur, quorum  
progressus inauditi exigunt, ut  
hujus Nationis originem repetam. In  
*Hist. Eccles. Tom. IX.*      A      Re-



**Sæculum VII** Regione *Hejas*, seu Arabia Petræa, quam  
A. C. 633. Mare rubrum alluit, posita est Mecha urbs  
 antiqua, ubi præter alias habitabat una  
 Arabum Tribus, *Coraisitarum* seu Cori-  
 fianorum dicta, qui genus suum, si ipsis  
 fidem habemus, ab Ismaele per filium il-  
 lius primogenitum *Cedar* ducebant. Ex  
 ea Tribu erat Familia *Hasebem*, unde na-  
 tus est Mahomet, seu magis *Mabommed*,  
 sic enim Arabes pronunciant ejus No-  
 men, quod idem ac *Desideratus* sonat.  
 Lucem primo aspexit anno Alexandri  
 882. secundum Ægyptios, id est, anno  
 Jesu Christi 568. parente ejus Abdalla  
 defuncto, cum puer biennis esset, & de-  
 cedens avus *Abdelmoutleb* nullas opes  
 nepoti reliquisset, cum dura paupertate  
 colluctantem suscepit Abutalib, patruo-  
 rum alter, & puerum educari curavit.  
 Eum mercaturæ adhibuit; quippe pleri-  
 que Mechæ incolæ in Regione sterili hac  
 industria inopiam levabant. Igitur cum  
 Mahomet adhuc juvenis lucri cupiditate  
 sæpissime iter faciens usque Damascum  
 in Syria pervenisset, quædam vidua di-  
 ves, cui nomen Cadija, in domum suam  
 susceptum initio procuratorem rei do-  
 mesticæ habuit, & postea conjugem  
 suum accepit, quamvis ipse vix annum  
 vitæ vigesimum octavum, ipsa vero qua-  
 quadragesimum numeraret. Mahomet

ex



ex ea nihilominus liberos atque etiam Fatimam filiam genuit.

Sæculum VII  
A. C. 633.

Annos natus quadraginta, anno JE-  
su Christi 608. Mahometes cœpit Prophe-  
tam se dicere, & a Deo intellectum suum  
illustrante missum, ut corruptam Reli-  
gionem repararet, atque id verum esse  
primo uxori suæ Cadijæ, tum Zeidi suo  
mancipio, patrueli suo Ali, Abutalibi fi-  
lio, & Abubecro, viro pietate & divitiis  
notissimo, persuasit. Quinque alios præ-  
terea scilicet universim novem homines  
hoc commento infatuavit. Annis ex-  
inde quatuor elapsis publice ut Prophe-  
tam se gessit, & Religionem suam præ-  
dicavit. Non novam Doctrinam affer-  
re se dicebat, sed Abrahami & Ismae-  
lis Religionem puram reducturum ja-  
ctabat, Religione Judæorum & Christia-  
norum antiquiorem. Ecce Doctrinæ  
illius Compendium! *Unicus datur Deus,*  
*perfectissimus, & totius universi Creator,*  
*qui diversis temporibus Prophetas ad eru-*  
*diendos homines misit, videlicet Noemum,*  
*Abrahamum, Moysen, aliosque, quos Ju-*  
*dæi noverunt. Addebat aliquos Vates*  
*ex Gente Arabum, secundum Patriæ*  
*suæ traditionem. Prophetarum omnium*  
*maximus, subjungebat, fuit JESUS Fi-*  
*lius Mariæ, natus ex ea per miraculum,*  
*quamvis Virgo esset. Ipse est Messias,*  
*Verbum, Spiritus Dei. Hunc cum Ju-*  
*dæi*



Sæculum VII *dæi interficere voluissent, Deus eum Mi-*  
*A. C. 633. raculo servavit. Joannes Filius Zacha-*  
*riae, Apostoli Jesu, & Martyres, Viri*  
*Sancti sunt. Lex Moysis & Evangelium*  
*sunt Libri Divini: sed homines semper*  
*Dei Beneficiis abutebantur. Judæi &*  
*Christiani Veritatem adulterarunt, &*  
*Sacras Scripturas corruperunt; ideo mi-*  
*sit me Deus, ut Arabes a suæ Nationis*  
*Viro erudirentur. Itaque Idololatriæ*  
*renunciandum est, unicus Deus adoran-*  
*dus, nec ei tribuendi sunt Filii, nec Fi-*  
*liæ, aut quicumque alius, qui honoris ipsi*  
*soli debiti, particeps fiat. Ceterum, re-*  
*cipiendus est Mahomet tanquam Dei*  
*Propheta. Credendum, futurum esse*  
*Resurrectionem, & Judicium universale,*  
*dari Infernum, ubi impii æternum arde-*  
*bunt, & Paradisum, tanquam hortum*  
*deliciis affluentem, pluribus fluviis ri-*  
*gatum, ubi boni æternum omni volu-*  
*ptatum genere cum plurimis formosissi-*  
*mis mulieribus fruituri sunt. Mahome-*  
*tes rejiciendam esse Idololatriam prædi-*  
*cabat, quia in ejus patria necdum peni-*  
*tus erat sublata. Prohibet tribuere Deo*  
*filium sibi æqualem, ut Doctrinam de*  
*Trinitate excluderet, & de Filiabus quo-*  
*que mentionem ingerit, quia Arabes I-*  
*dololatræ quasdam Deas colebant.*

Religio Ma-  
hometis.

Circa Ritus Religionis externos præ-  
 scripsit Orationem per diem quinquies  
 certis



certis horis peragendam, & corporis munditiam tanquam dispositionem ad orandum necessariam. Hanc puritatem in eo constituit, ut homo vultum, pedes manusque & quandoque totum corpus lavet. Circumcisio quoque ad hanc corporis puritatem trahitur. Item Mahometes abstinenciam a vino, sanguine, & carne porcina, Jejunium in mense Arabico *Ramadan*, & inter dies Hebdomadæ Sanctificationem diei Veneris præcipit. (\*) Hortatur, ut Sectatores sui religiose Mecham peregrinarentur, ibique Templum quadratum, *Caaba* dictum, cujus jam illa ætate apud Arabes maxima veneratio erat, inviserent; dicebant enim, hoc a Deo electum fuisse, in quo adoraretur, & ab Abrahamo fundatum credebant; tunc vero Idolis plenum erat.

A 3

In

(\*) Cum Turcarum Sultani Mahomet V. & Osmanus Ibrahim, quorum alter anno 1754. & alter 1757. fati functus est, lethali morbo decumberent, cives Constantinopolitani, morti proximos esse, ex eo conjecerunt, quod die Veneris ad Templum S. Sophiæ oraturi, ut adfuerant, equo non veherentur; unde dispicimus, quam tenaces sint antiquissimæ Cæremoniæ ad illorum Religionem pertinentis. Ceterum hodie Mahometani Circumcisionem superstitiose servant, at circa Mahometis sui præceptum abstinendi a vino laxè admodum dispensasseprehenduntur.



Sæculum VII In eodem templo lapis niger servabatur, A. C. 633. cui etiam Mahometes reverentiam haberi iussit. Tandem præcepit, ut, ubicunque Sectatores sui versarentur, oraturi faciem ad hoc Templum verterent. Suos præsertim ad dandam eleemosynam, & Decimas reddendas hortabatur. Præterea Sectatores suos excitabat, ut ad defendendam Religionem arma caperent, Paradisum pollicitus illis, qui in pulchro certamine occumberent, & Infernum ceteris comminans, qui vecordes domi suæ manerent, nisi saltem aliquam Bonorum suorum partem in sumptus belli conferrent. Jubebat Idololatrias deleri, & illos, qui Religionem semel susceptam dimitterent, poena capitis plecti. Cum primis suos in Dei voluntatem simpliciter & sine ullius periculi metu resignatos esse volebat, innixus Doctrina Prædestinationis, quam non intelligebat, atque fatum esse inevitabile putabat. Ex voce *Salama*, quæ significat Resignationem in Deum sine modo, derivatum est nomen *Islam*, Mahometis Religioni proprium, & alterum nomen *Moslem*, qua illam Religionem profitentes significantur. Nos illos Musulmannos appellamus, quo nomine eos deinceps semper indicabimus.